

Apoll. lib. II. c. 1.) & oves mactabantur. Ex volucribus Pica, quia garrula est, ob ebriorum garrulitatem, item Jynx. E plantis vero sacra fuerunt Quercus, Vitis præcipue, Hedera, & quæ sunt alia innumera, quæ legi possunt apud *Gerh. Joh. Vossium de Theologia Gentili Lib. IX. cap. 29. p. 274. seqq. & Lib. I. cap. 30. p. 118.* ubi varia de orgiis inveniuntur, analogiam quandam cum sacris historiis habentia. Habitum Baccharum Mænadam, sive mulierum rabidarum *Ovid. VI. Metam. v. 596.* ita describit:

*Vite caput tegitur; lateri cervina sinistro
Vellera dependent; humero levis incubat hasta.*

Sane ejusmodi ritus apud Christianos undiquaque in usu non sunt; neque Phallagogia, neque Omophagia &c. Quomodo ergo Anonymus tam ruditer & crude dicere conatur, *Daß die Christen im geringsten nichts unterlassen / was die Heiden an Bacchus-Fest getrieben?* Dices: Atqui ipsi Ethnici turpissimas has ceremonias ac ritus abjecerunt, ac eorum loco alias adhibuerunt, quas Christiani continuarunt. Sed respondeo: Ethnici quidem ipsi olim Bacchanalia e Roma ac Italia removerunt, sicuti *Polyd. Verg. l. c. p. 243.* recenset: *Verum, inquit, ad extremum tantorum scelerum indicio, ad Sp. Posthumium Albinum & Q. Mart. Philippum COSS. delato, religio pestifera extincta est, anno U. C. DLXVI.* Sed & hoc est sciendum, illos ritus ac turpitudines non solum apud Ægyptios, Græcos, aliasque gentes, mansisse, sed etiam denuo apud Romanos irrepsisse. Primo enim *Textullianus* expresse dicit: *Apolog. c. VI. p. 24. edit. Pamel. His vos restitutis, summam Majestatem contulistis &c.* In antecedentibus sermonem quoque fecerat de Bacchanalibus, a Majoribus Romanorum abolitis (*Liberrum Patrem, inquit, cum mysteriis Consules Senatus autoritate non modo urbe, sed universa Italia eliminaverunt*) Posteros vero eo majori pompa & Majestate rursus introduxisse hæc commemorat. Deinde, si Romani, aut Ethnici ejusmodi Bacchanalium abominations & petulantias pessimas tempore Patrum non admisissent; cur propterea a Patribus objurgarentur? Ex. g. *AClemente*